

وأُنزل .. فى ألبلد يحلفوا بحياتى .. ويقولوا عليها ضربة فأس ..
بعشر رجالة .. كان ضرورى أعمل كده من الأول .. بدل المشوار
والغلب .

— أحيانا يكون الحل أمانا ويفيب عنا .. محتاجين حد يفكر
معانا .. يشير علينا ..

— كتب لنا عمر جديد على أيديك ..

— (ذاهلا) أنا ؟

(كأنها لم تسمع دهشته .. وتستمر فى حديثها مع
نفسها ربما ...)

— الله يبارك لك .. أصل من الصدمة لا راجل ولا بيت ولا
أخ .. اسودت الدنيا فى عيني .. ياترى أحزن على نفسى وأولادى
.. والأخ والرجل على من مات ولا الميت الحى .. والجوع كافر .
خفت .. الخوف والوحدة والجوع .. (تطرق فى خجل) قلت فى
عقل بالى أناويهم فى البحر .. وأنا وراهم ونستريح ..

— حرام وظلم ..

(مازالت تشعر بالخجل .. لكنها تستعيد نفسها
وصلابتها .. تتحدث بثقة وحكمة تلقائية)

— يعنى فكرة .. وعدت . أصل الشيطان شياطين ..
يوسوس فى النفس .. لكن حد يهون عليه ضناه .. حتى ان هانت
عليه نفسه رينا كبير .. بعثك لنا نجدة من عنده .. رينا يجعل
الاسباب .. واقف يا حبة عيني .. رينا ومنتظرني .. روح رينا
ينجيك .. ويجعل لك فى كل خطوة سلامة .. تبني وتعمر .. تزرع
وتطلع ويطول زرعك للشواشى ..

(ينظر اليها الفنان بانبهار .. يتأثر بدعواتها .. ولكن